

Yanomama Kahiki ã Turu

nomeru 5

Papiu

Janeiro-2003


RACISMO

YAHATUOWEI

THÃ TURU

Kaho napë wamaki yahatuo maki kami yanomama yamaki nowa pree mota kaho napë iwa wamaki mau uhami wamaki kaorai yaro kaho krouma wamaki mau uhami wamaki wamomakayo kaorai yaro. inaha kaho napë wamaki pree kuwai yaro kami yanomama yamaki ha kaho napë wamaki yahatuo no yaro kami yanomama yamaki yahayuo nohoma awei kaho napë wamakini uti thëha yanomama yamaki nowa waiprai tha? kaho wamaki kahia taarema yaro kami yanomama yamaki kohipë huxurayoma napë wamakini kami yanomama yaro yamaki ha hirai yaro yanomama thëpë kakii yaropë ka kurenaha yanomama thëpë kuwë hatho inaha napë wamaki pihi kuwaki yaro yamaki kuwaimi kami urihi thëri yanomama yamaki yei napë wamaki horemu puo yanomama yamaki taimi yaro napë wamakini. napë wamakini kami yanomama yamaki hoximi himai wei kami yanomama yamakini yamatha hiri pihiyoimi napë wamaki nowa motamu tēhë kami yanomama yamaki pree yaha tuo kami komi yamaki piria ka kutare naha napë wamaki yahatuo kuwa kii yaro yamaki kuwaimi xama yamaki mii paxo yamaki mii wixa yamaki mii poxe yamaki mii waka yamaki mii moro yamaki mii kaho napë wamakini animais yamaki aha hira kema makii kaho napë wamaki horemu kaho napë boi wamaki pree urihi wamapë wariyai yaro kaho koxi wamaki pree kaho napë cavalo wamaki pree kaho wamaki mohoti yaro boi wamaki yanomama yamaki urhipë wariyamai yaro yamaki mau upë wariyamai yaro huuwama tihipë towai yaro watori wamaki pree.

Inaha kuwa kami yanomama animais yamaki ka kuo kunaha hei nowa motamotima yama thë thaprai nohoimi kaho napë wamaki kanasi ha taprani



yamathëpë thaprai ndo.

Kaho napë wamakini yanomama yaro yamaki ha pihini yaropë nowa uhurupë kohipë mahi yaro ïhi tëhë yaro yama pë uhurupë ha tërini napë pëni dinheiro a pouweiha yaro yama pë uhurupë ha hipikini R\$ 1.000,00 yama tëaipihio inaha kaho napë wamaki kuu maki kami yanomama yamakiuhurupë hipiamuwei tëhë kuwaimi kaho napë wamakiuhurupë ha R\$ 1.000,00 wama pë ha towani wamaki matihi pë towamu wamaki yaro pë thamu wamaki carro pë towamu kami yanomama yamaki uhurupë hipinu tëhë inaha kuwa yaro hei yanomama uhurupë towaiwei R\$ 1.000,00 yama a taarema yaro kami yanomama yamakini utupasi ha mil Reais yama a yëtëa nohomakera. kuwahikia maprarioma.

Alfredo Himotono professor Yanomama, Kamiraka Èrimo agente de saúde Yanomama, Alírio Frana Yanomama Maimapi thëri, Aldo Oinari Yanomama agente de saúde, César Ayeo Yanomama professor, Genivaldo Krepuna Yanomama professor, Hoaxina Paxo Yamakaki professor Yanomama, Peroano Timanari professor Yanomama, Kuma Heturi Yanomama, Xiki Yanomama Maharau thëri Maurício Yanomama, Waiwai conselheiro Yanomama, Raimundo Kakurema Yanomama

Napë kama pë jornalpë ha ïhi yahatuwei thã turu thakema yarohe Yanomama yamakïha yaro thë wãha hirakemahe.

CLASSIFICADOS

Animais

Vendem-se filhotes de Yanomami c/
1 anos e seis meses R\$ 1.000,00
Tratar 9971-3287 Cód. 106.063SE

Awei, weti pei thë ha napë wamakini **PERVERSO** Yanomama yamaki ha hirama tha? Kami **PERVERSO** yamaki kuoimi. Kaho napë wamaki pree moyamëkii. Kami Maloca Papiu thëri yamakinë niyauwei yama thë ponimi yaro Surucucu thëri pënë Yanomama thë pë xarë xëi xi waripru yaro ïhip pë xarë utiti. Kami yamakinë Yanomama yama thë pë xëi taimi yaro kami yamakinë niyauwei yama thë poimi yaro kami yamaki haromayuwei thë turu yaiha kami yamaki xarë hikia. Kami Yanomama yamaki haromayu pihio yaro yamaki urhipë wariamamu pihiomii yaro kami yamaki xëprayu tëhë thë totihiproimi. Ai haromatima ai Yanomama yamaki pihi kuuweinë kami Yanomama yamaki wasuyu kohipë mahi yaro napë wamaki xuhurimomai pihioni. Kami yamaki haromayu oxo yama thë pë haromai. Yamaki xëyu xi waripru tëhë napë pënë yamaki urhipë wariyai heha rope thë pë ximayu, ai haromatima thë pë pihi kuu yaro kami yamaki wasuyu kohipë mahi yaro. Inaha yamaki noa thayu yaro yamaki xëprayu maa tëhë Yanomama yama thë pë xarë kohipë haromai tëhë napë pënë rope yamaki xarë dinheiropë xinahe. Renoripi thëri thã turu

